

欽定剿平三省邪匪方略

欽定剿平三省邪匪方略正編卷二百七十三

辛酉年

九月初二日

丙子

額勒登保奏言查張添倫股匪

自經格布舍楊芳疊加斬獲之後該匪只剩七

八百人由關垵南竄竹瓜溪楊芳與遊擊吳廷

剛等帶領步隊兵勇躡蹤緊追格布舍與侍衛

將弁等帶領馬隊由長安嶺抄擊十二日辰刻

兩路馬步兵勇趕抵竹瓜溪賊已於夜半向漁

溪河竄去遂卽合力追趕四十餘里午刻馳抵
漁溪河口於山梁上望見賊匪有已過河翻上
對面陡山者有未過河者格布舍楊方等督催
兵勇奮力追下河邊殺賊二百餘人淹斃數十
人其已經過河上山之賊卽攢集山巔樹林內
恃險抗拒楊芳吳廷剛等帶領精壯兵勇奮力
仰攻傍晚搶至山頂沿山追殺斬獲五六十人

賊匪亂竄滾崖跌斃數十人又有前次投出之
楊老么等高聲喊叫投出免死賊匪聞聲棄械
跪投者七十餘人餘匪二三百人分爲兩股由
鐵板溪盤庖河逃竄格布舍楊芳等仍卽分路
由大塘壩茅壩關一帶追截賊匪四散逃逸由
亮垌子竄入川境所剩無幾匿入老林自不值
以勁兵久爲牽綴臣連日於西鄉長嶺一帶探

得東西兩路並無緊要賊情而太平以南之中
河礮筒山一帶有賊匪屯紮滋擾雖相距三百
餘里亦必須速行剿辦

臣

卽一面札調格布舍

楊芳之兵由漁渡壩官渡灣向太平而來一面
率同楊遇春由三花灘鹽場一帶前進於二十
日行抵太平之官渡灣是日格布舍楊芳等帶
兵到營卽令作爲頭隊由茶壠子白沙河中河

一帶探聽賊蹤進剿

臣

正擬率同楊遇春等由

趙家壩馳往合擊接據探報通江之麻啄石一

帶有李彬股匪千餘人並各路剿潰零匪奏合

共計三千餘人本係向東太一帶奔逃因聞我

軍由太平進發遂折回由毛峪鎮德漢城廩溪

北竄陝界

臣

思該匪在川被剿情急勢必向陝

境狂奔慶成近日率領遊擊張汝勤和什布等

於大池壩等處搜剿零匪五六十名現從白溪
緊顧北面前往探剿恐兵力尙單不足深恃

臣

現已改道由通江之竹峪關偵探截擊現在鍾
家溝向雄關一帶九十帶兵堵截花石梁以
西有慶溥帶兵嚴防聞勒保率領阿哈保薛大
烈永明等在南江一帶顧佐西北分路進剿茲
臣率師緊顧陝境之東面而進卽就近查探賊

勢酌量緩急情形併力剿辦至穆克登布豐紳
一路官兵前經奏明在陝楚邊界截剿賊匪

臣

師抵官渡灣穆克登布由太平輕騎前來據稱
緊躡青號王山賊蹤由老鴉舖要壩等處追剿
沿途日有斬獲初七日趕抵開縣邊界之水深
溪孥獲賊探十數人訊知賊匪六七百人竄至
前面三十餘里之滿月槽穆克登布等率領兵

勇趕往該匪正在分投掠食一見官兵卽向山
梁紛紛四竄穆克登布桑吉斯塔爾豐紳等各
帶兵勇分路追殺自午至酉共殺賊二百餘人
餘匪約三百數十人竄入林箐乘夜遁去又有
一百餘人躲入半山岩洞草房內擲石抵拒穆
克登布等恐有緊要賊目在內飭令兵勇圍住
洞口奮力攻取兵勇內被石擊傷數人中矛陣

亡者一人相持甚久經兵勇拋擲火彈燃燒洞
口草房並將洞內草席棚一齊引燃賊不能支
向外衝撲我軍鎗箭並發斃賊三十餘名生擒
五十六名洞內燠斃十數人訊據獲犯供稱係
王山爲元帥劉學書張奇爲副帥王山昨在襄
河腦夜間被官兵剿殺總未歸隊張奇亦被官
兵殺死劉學書帶百十人逃來亦已燠斃穆克

登布當卽查驗屍身屬實並將生擒各犯一併
正法次日仍卽帶兵尋蹤追剿而該匪殘敗無
多已分竄入東鄉境內穆克登布等因距陝界
已遠擬將兵勇撤至太平茲特趕來會合

臣查

平利安康一帶邊界甚關緊要德楞泰追剿龍
紹周股匪早抵竹山境內刻下卽尙未全股撲
滅亦必由竹谿平利一帶逼向西來該處雖有

喜明柯藩帶兵在彼用道路分歧山林叢雜恐
該鎮等只能就近防剿不能遠道出擊臣仍飭
穆克登布桑吉斯塔爾豐紳等率領原帶兵勇
由大竹河翻界嶺六道河班鳩關一帶前赴安
康平利沿途探剿敗殘餘匪並偵探龍逆如果
向西竄來卽併力迎剿一鼓殄平再於陝楚邊
界差探戴四崔胡確蹤與楚省官兵合力剿辦

現據七十五呈報近六開縣之溫湯井等處進剿苟文明樊人傑股匪獲有勝仗擒斬千餘人拿獲苟文明之師向思順及該匪親屬苟文泰等十數名臣已飛行知會該提督鼓勵兵勇乘

勝趕剿不許延緩刻下各處並無大股兇悍之

賊惟尙零星奔竄乃合無常一聞兵來卽亡命

晝夜逃遁未能聚而殲洗臣惟有通籌全局機

宜趕緊督飭剿辦不敢一息懈緩以致上厯

聖懷再查格布舍楊芳等昨於節草壩進剿張添倫
股匪有臨陣棄械投出之楊老么李結子等七
八十人此次格布舍楊芳等於漁溪河接仗又
有楊老么李結子等臨陣喚出偽總兵李士得
何貴及矛手王福等七十餘名並生獲之賊匪
張廷秀等三十二名除將生獲各犯卽飭正法

外當將楊老公李結子李士得何貴等訊明欽
遵節次所奉

諭旨概予免死惟查此等投出之人前已欽奉
諭旨不宜留於軍營茲復遵

旨詳加開導令其各回原籍當有情願回籍之陽國
珍黎從正林榮富等五十八名又有前此投出
留營効力茲情願遣回之一百二十五名均核

其道里遠近酌給船費交西鄉太平分別解回
原籍安爲安插外有頭目楊老么等八名情願
率領一同投出之王福等七十三名効力贖罪
再三懇求臣念伊等既有悔罪之心亦未便過
於阻止反使疑畏是以准其所請交與都司祝
廷彪妥爲帶領隨將酌量去留再查各股賊匪
經大兵節次痛剿其疲勞日見敗殘此輩皆係

朝廷赤子苟有一綫可寬皆當仰體

聖慈予以生路

臣

昨已札致川陝楚三省督撫出示

招撫查明真偽妥爲安置

臣

仍督率各路官兵

趕緊剿殺庶官兵剿辦愈力則各匪受撫愈速

再前此所獲再添泗股內偽總兵楊步青本係

奏明正法之犯因首逆王士虎有若容我等一

人前往開導賊夥可以解散之供是以將楊步

青釋放給予告示令其解散賊夥並派遊擊陳
弼帶往通江交與道員劉清並該縣知縣徐廷
鉅設法辦理若果所言有驗再當另行奏

聞倘該犯藉此脫逃亦不難再行弋獲奏入

上命軍機大臣傳諭額勒登保曰張添倫股匪奔竄
漁溪河一帶經格布舍楊芳等帶領兵勇殲斃二
百餘人所剩僅有二百人由亮垵子竄入川境

潛匿老林正當乘賊匪窮蹙之時上緊剿洗肅清
此股方爲正辦乃額勒登保轉將格布舍等原帶
之兵悉行調回派剿另股賊匪竟將張添倫殘敗
餘匪置之不辦豈不慮及該匪等輾轉奔逃到處
裹脅復成大股耶又穆克登布等緊躡王山賊蹤
追剿沿途俱有斬獲王山現無下落殘匪無幾自
當令其迅速辦完此股乃穆克登布輒輕騎馳赴

額勒登保軍營而額勒登保亦卽派令前赴安康
平利一帶探剿其未經辦竣之賊逃往何處不獨
此間無由知悉卽額勒登保亦不能定其去向不
過再隔時日又稱有一股不知姓名賊匪從某處
逸出似此情形恐又非旬日內所能辦竣五年以
來追剿各股賊匪每於殲擒緊要首逆以後零星
賊目卽任逃竄並不一手辦竣如高二馬五冉學

勝等股皆經剿辦將完因餘孽未淨又復鴟張變
成大股以致重煩兵力至今甫能殄除此其明證
額勒登保身任經畧當此功屆垂成之際更不應
出此現據稱通江一帶李彬一股千餘人並各
路零匪奏合共計三千餘人何以尙有如許之多
試思此等零匪方其殘敗之時人數無多自不能
別有裹脅迨至各股奏合人數漸衆各村莊又復

彼其迫脅成一大股可見剿剩之賊必須淨絕根株方免後患如德榜秦在竹山境內追剿龍紹周一股窮賊所向必將該逆殲盡乃止雖似迂緩實乃辦得一股卽無餘賊於事機轉爲迅速嗣後額勒登保務須派令專剿一股賊匪之人於零星竄匪跟蹤緊躡或盡數殲除或投出安插俾此股餘賊不復再能湊合方可歇手斷不可率意檄調舍

現辦之賊復行他顧所有戴四崔胡並苟樊等股並當上緊飭催各路將弁於九月以內將首夥各逆概行肅清不可再有延緩至軍營投出各犯其實在悔罪輸誠者原准貸其一死但須俟其畏懼乞命不可專事招徠致士心稍懈現在再添泗股內僞總兵楊步青前經給予告示令其解散賊黨此雖係辦理之一法目前大功將竣究應以剿爲

重方不致功虧一簣今額勒登保所奏意在招撫
不免稍爲鬆勁矣卽現在投出之楊老么等旣交
祝廷彪帶領此等久經從賊之人反復無常亦當
飭令隨時查察不可稍存大意如稍有滋事之處
卽嚴辦示儆再各股賊匪人數前據額勒登保德
楞泰先後查明開單具奏均交軍機處存查凡遇
各路奏報殺賊若干均於單內扣除此時額勒登

保與德楞泰勒保等相距不遠各路賊匪現在是
否不及萬人著額勒登保再將寔在賊數若干據
實具奏

同日

上諭內閣曰軍機大臣會同刑部奏擬將倭什布照
失誤軍機斬卹上量減請發軍臺効力一摺固係
按律辦理惟倭什布前在湖北係親身帶兵堵

剿並非專辦糧餉之員卽伊軍營中糧餉亦時有
缺乏可見各處不能供支尙非有心玩誤其獲咎
總因辦理不善一任局員朦混所有專辦之員現
交吳熊光詳細查辦俟奏到再降諭旨此時若將
倭什布發往軍臺伊轉得置身閑散倭什布前任
陝西藩司官聲尙好著加恩賞給七品筆帖式頂
戴自備資斧前往陝西交陸有仁令其充當苦差

俟辦理善後事宜完竣如果奮勉該撫再行奏聞
倘仍不能認真出力亦卽嚴參懲辦

初六日

庚辰

勒保奏言昨官兵在漆樹坪兜剿魏

逆股匪斬獲多名該匪奔竄鐵船山老林

臣臚

度路徑該逆必由官壩一路竄出是以臣於十

七日帶兵由沙壩鸞嘴岩等處取道抄赴官壩

以冀迎頭兜擊連日大雨如注山路泥濘異常

官兵冒雨日行八九十里二十一日行抵官壩
途次詢據難民李從周等供稱魏逆剿敗後尙
存六七百人逃入鐵船山中因無食可掠現由
陳家峽竄出欲從官壩一帶東竄找尋別股合
夥等語臣隨督同阿哈保薛大烈等催兵前進
次日至陳家峽該匪已聞信向西折回臣帶兵
跟蹤緊躡在三溪口茶園溝等處沿途追殺斃

賊三四十名賊匪總向深林密箐翻越山險路
滑人馬難行我兵連日追剿未能得手二十四
日辰刻至大桃樹地方是日霧氣甚重賊匪竄
入山上樹林避雨臣督同阿哈保薛大烈等領

兵冒雨前進乘賊不備斃賊五十餘名生擒戰
手楊大有等二十一一名均經正法匪衆復翻山
窮竄當派叅將羅聲臬蕭鳳來遊擊傅廷佐桂

涵等分帶步隊兵勇追剿該匪亡命向九角山
一帶竄去連日共計斬獲賊匪一百餘名並陸
續逃出難民男婦姜炳周李氏一百十六名口
均隨時給予口糧路票釋放計該匪現在所存
不過二三百人適接通江南江等縣稟報探有
李彬賊匪一股約一千餘人先由陝境竄入通
江地方又有王冉餘孽亦竄入川與李彬合夥

總計約有二千餘人由通南一路西竄並據巴
州報稱該匪等已至州境兩河口地方有向閬
中蒼溪之勢查此起賊匪三股湊合既有二千
餘人勢較鴟張且由兩河口向西南奔竄已入
腹地距嘉陵江岸不遠臣斟酌緩急魏逆僅剩
二三百人窮竄九角山意在苟延殘喘此時若
無他股賊匪自應設法剿淨以清川北今既有

李彬等股匪衆竄入巴州腹地未便因無多殘

匪牽綴兵力

臣

現在督同阿哈保薛大烈等領

兵自九角山撤出逕向巴州取道兼程進發將

李彬等股賊匪兜截剿辦其魏逆殘匪俟將李

逆等辦竣騰出兵力無難立就殲除再遵查都

司張拱辰前次在大茅坡打仗左肘得受矛傷

當經飭令就近調養而該都司自告帶傷領兵

昨臣於保奏陞賞人員摺內該都司業蒙

賞戴花翎現在傷已就痊理合覆奏再本月初七日官兵在盧家灣打仗生擒首逆冉學勝案內有齊齊哈爾驍騎校委叅領依爾庚阿左腿受有石傷骨損曾於摺內聲敘具奏茲據報該委叅領傷重受風醫治不痊於八月二十日身故可否照陣亡例

賜卹之處出自

皇上天恩奏入

上命軍機大臣傳諭勒保曰此次勒保督同阿哈保
薛大烈等截剿魏逆一股先後殲獲賊匪一百餘
名逃出難民亦有百餘所存賊匪止有二三百人
勒保因李彬及王冉餘逆由陝竄川移兵往剿所
辦尙是昨額勒登保奏通江一帶李彬一股千

餘人並各路零匪湊合共三千餘人曰卽係王冉
餘逆與李彬合夥之賊經額勒登保在陝逼剿是
以奔竄入川現在川陝各股賊匪中此股較大勒
保務當督率將弁上緊剿辦總當由西南逼往東
北以便額勒登保迎頭截擊爲兩面夾攻之計以
期一鼓殲除至魏逆一股殘匪雖僅剩二三百人
但無兵追躡任其前竄不但別滋裹脅且日久不

知該匪下落或又從無兵處突出滋擾轉致費手
勒保卽因剿辦李逆等股緊要不能將阿哈保薛
大烈分出而將弁中如桂涌等亦儘可委令剿辦
況勒保現在所帶之兵不爲不多若抽撥五百名
緊躡追剿則魏逆所竄之處亦可得其蹤跡著勒
保卽派員帶兵前往不可任其竄逸無蹤爲要又
據奏前在盧家灣打仗生擒首逆冉學勝案內有

齊齊哈爾驍騎校委叅領依爾庚阿左腿石傷骨
損醫治不痊業經身故卽與陣亡無異著照陣亡
例咨部議卹

同日陸有仁奏言據遊擊薛國相稟報探知蓋
屋光頭山黑屹塔老林俱有餘匪潛匿該遊擊
督率把總胡貴外委劉明周分路搜剿殺斃三
十餘名生擒十六名又據通判維昂稟報賊匪

在盤屋柳葉河黑溝梁一帶藏匿候至夜靜潛
往密布壯勇將該匪五十餘人全行圍住殺斃
三十餘名生擒二十三人並無一名漏網並稱
山內已無成羣之賊間有一二零星潛匿者現
在分派健勇並鼓勵寨民隨處搜捕日內即可
淨盡臣現已飛催總兵劉之仁逐處搜查明確
卽行具報惟各股賊匪俱在陝省邊界奔竄各

路大兵糧餉需用實屬浩繁司庫並無存項不
得不仰懇

天恩俯賜飭撥再

臣

前奉

諭旨令將通判雒昂及王明智如何將賴元秀擒獲
之處詳查覆奏當卽札詢雒昂據稟稱賴逆餘
匪在王家河西木河一帶老林逃竄該員率勇
步行入林斬獲數十人該匪復竄至石板溝老

林雒昂因是夜雨大風狂乘該匪等猝不及防
督飭王明智劉占魁突入賊圍將賴元秀生擒
並將餘匪六十餘名擒斬淨盡等情臣查雒昂
當日原稟僅敘軍功王明智之名是以臣卽據
以入

告今據稟劉占魁亦同時出力理合一併奏

聞至此次搜捕南山餘匪通判雒昂叅將吳亨衍遊

擊薛國相三員最爲出力合併陳明奏入

上命軍機大臣傳諭陸有仁曰南山藏匿餘匪前次
總未剿淨此次經遊擊薛國相通判雒昂等分路
搜剿將所剩賊匪一百餘名全數殲擒並無漏網
所辦甚好雒昂吳亨衍薛國相均著交部議敘至
南山一帶多係老林密箐難保無一二零星竄匪
在內藏匿陸有仁仍當飭令劉之仁督率該員弁

等隨時搜捕務盡根株又查奏擒獲賴元秀之軍
功王明智劉占魁二人自應一體陞賞伊二人如
原有頂戴卽加一等賞給如未經得有頂帶著各
賞給八品頂戴至懇請飭撥餉銀一節前已降旨
令於山東山西河南三省解甘賑銀一百二十萬
兩過境時不拘何省餉銀先行截留二十萬兩合
之淮餉已有四十萬兩其粵餉二十萬兩該撫自

應催令趕解以資接濟陸有仁發摺時自尚未接
奉前旨此時甘餉想已過陝陸有仁自己截留應
用又准餉粵餉陸續到陝諒可不至缺乏至南山
內建造衙署兵房等事尙可從緩目下已屆冬令
天氣沍寒本非施工之時或暫令搭蓋窩棚居住
俟春融後再爲興工彼時另行籌款辦理不必入
軍餉項下也

欽定剿平三省邪匪方略正編卷二百七十四

辛酉年

九月十一日

乙酉額勒登保奏言臣昨由太平進

剿因聞李彬等股匪折近陝境仍由通江西鄉

一帶截剿二十四五等日率同楊遇春等由竹

峪關進抵西鄉之簡池壩兩河口白楊關等處

探報李彬及王冉餘匪已由巴州南江一帶向

西遁去

臣

須緊顧陝疆仍未便深入川境剿辦

聞勒保在南江一帶督剿高魏等賊匪

臣卽飛

行知會顯定西北逼向東來以便夾擊二十七

日接到陸有仁來信並慶成呈報高見奇魏棒

棒姚馨佐等股賊匪由梨坪越過卡隘竄近寧

羌板蒼壩恐由畧沔竄入黑河慶薄已會同勒

保派令入陝截剿之總兵永明帶領兵勇星夜

由南鄭沔縣大路馳往截擊慶成於元壩子聞

信立即帶兵出大爺廟大壩關趕往大安驛等處剿辦等情

臣

查陝省西面一帶關係緊要是

以前經派令慶溥帶領將弁兵勇分佈防剿該匪雖已入寧羌邊境設再竄出棧道或又闖入南山則剿辦又爲棘手一面飛行知會慶成慶溥永明等趕緊攔剿毋許稍有滋蔓

臣

一面率

同楊遇春等向西進發馳抵龍池場復據稟報

該匪在寧羌之乾溪溝鐵鎖關竄擾尙未深入

沔畧境內查刻下賊匪被剿殘敗忽東忽西若

再任其四散奔逸則又難於收束是以

臣連旬

以來雖刻刻籌剿川境賊匪實以陝境爲重而

陝境尤以西北爲最要現在該匪雖未直向北

趨慶成慶浦等官兵已前往截剿究恐道路叢

雜或致肆竄

臣

擬卽帶領楊遇春及侍衛將領

等由羅家壩前赴黃關嶺一帶親督剿辦以期
全數撲滅頃接德楞泰來信云龍紹周股匪節
經大兵剿殺該逆妻子及緊要賊目皆被殲擒
該逆現剩數百人竄入巫山大寧山林之內現
在分路剿捕即可完竣等語德楞泰來信已隔
旬餘日內必已殄滅淨盡並聞七十五於大寧
寶塔一帶又將苟文明樊人傑股匪痛加斬獲

查龍苟二逆本係大股賊匪茲龍逆已將辦竣
苟逆又見敗殘連旬以來賊匪情形較之秋初
又相去懸絕

臣

近因不能輕離陝境距賊本遠

且聲勢較大賊股零星聞風先逃以致輾轉奔
馳未能遏賊痛剿但刺下賊匪已無緊要大股
其劉潮選湯思蛟張逆等股有時合夥人數尙
有二三千之衆卽爲現在之大股而一聞兵到

四散奔逃百十皆爲一股穿山越嶺隨處潛藏官兵雖分路窮追往往莫測其所向其餘如李彬等各賊目所帶殘匪每股多則千數人少則數百人甚至百餘人固須併力痛殲乃可速期殲事但欲如往時之大獲勝仗實不可必

臣惟

有先於陝省西北一帶杜其蔓延德楞泰在大

寧界內將龍逆辦竣後整頓兵力必由開縣東

鄉同七十五向西進剿勒保現在廣南顧住西
南一帶截剿

臣

俟將寧羌境內賊匪或就地殄

滅或截回川境卽當察度情形會同勒保分撥
官兵由西北向東南趕緊逼剿若能將各該匪
歸併一處痛剿兩三次則大局卽定設有未淨
餘氛或剿或撫皆不難計日告竣至陝境東面
昨據稟報載四崖劫股匪在陝楚沿邊老林竄

匿又有零匪三四百人竄至平利之長岡該
帶寨民均能緝捕出力各該縣令亦在設法招
徠穆克登布豐紳等現帶兵勇由彼前進計期
正可剿辦臣復經諄飭穆克登布等會同喜明
柯藩激勵兵勇妥籌趕辦再查頭等侍衛阿結
染患時症調治不愈於八月初九日在營病故
又藍翎侍衛布爾哈善因病在紫陽調養於八

月十五日病故查該二員均係出師日久著有勞績先後身故殊爲可惜

額勒登保又奏言

臣奉到

上諭令將盛京吉林黑龍江受傷患病官兵分起先行撤回迅速行走並將每起若干名何人帶領何日起程開單具奏查此項官兵久役於外備極勤

勞臣昨卽飭令紫陽防江之

盛京官兵除酌留聽調外其餘皆由鎮安孝義前赴西安其漢中興安二府及到省沿途各廳縣有留養傷病東三省兵丁亦均令赴西安省城會齊該官兵人數衆多不可無軍營大員點驗查收稽察彈壓遂一面派令札克塔爾前赴西安專司其事一面知會陸有仁飭令在省司道於城外設立營盤暫令官兵棲止併預備車輛

分起起程茲接陸有仁來信已飭省局趕緊備
辦派委臬司文需會同札克塔爾查驗照料並
於興安赴省一路棧道赴省一路白寶雞棧口
東至省城自省城至潼關出境皆分派道府各
員分段護送現在札克塔爾已由漢中前往不
日可到西安臣現復遵

旨知會札克塔爾於到省查驗後分定

盛京吉林黑龍江三省兵丁起數交協領官員搭
配帶領並將_臣處派往老病應行撤回之三等
侍衛定色戴藍翎侍衛吹扎布叅領常玉成善
福寧阿五員按起指派一員管帶行走或二百
人爲一起或二百五十人爲一起隔三日分遣
務須妥爲料理使沿途毋誤供支仰副

聖主軫念旋師至意均奏入

上命軍機大臣傳諭額勒登保曰日前勒保奏魏逆等股賊匪續經殲獲多名所剩止有二三百人勒保因李彬與王丹餘逆合夥有二千餘人由陝竄川卽移兵往剿今據奏高見奇魏棒棒等逆竄近寧羌額勒登保恐該匪由沔畧竄入黑河飛行咨會慶成慶溥永明等趕緊攔截並一面親督將弁向西進剿該匪等未能深入沔畧所辦尙是南山

地方餘匪甫經陸有仁搜捕肅清若仍令高魏股匪竄出棧道闖入南山剿辦更形棘手額勒登保惟當於陝省西北一帶嚴密堵剿將賊匪逼向東南盡歸川北毋任蔓延至各股賊匪惟李彬一股爲數稍多其餘本不過數百人賊勢雖日見窮蹙而忽分忽合詭譎異常總當分兵窮賊所向將大局辦定其餘黨畏罪投出者自可量爲收撫倘零

星分竄亦必當搜捕淨盡勿留餘孽額勒登保惟
當加倍奮勉於九月內將賊股一律殄除而竄近
河畧之賊尤爲緊要切勿任其肆竄再有稽遲至
戴四崔胡等逆在陝楚沿邊老林竄逃人數既屬
不多該處寨民又均能出力緝捕自無難尅日殲
滅額勒登保務須督飭穆克登布豐紳等激勵兵
勇痛加掃蕩務淨根株再頭等侍衛阿結藍翎侍

衛布爾哈善均出師日久著有勞績先後在營病故著加恩照軍營病故例賜卹

十三日
亥丁

上命軍機大臣傳諭各路領兵大員四川陝西湖北各督撫曰本月初六日勒保奏李彬與王冉合夥由陝竄川彼時朕以爲必係額勒登保在陝剿辦大獲勝仗將賊逼過川省及前日額勒登保奏到

截剿高魏股匪不令深入沔畧其李彬一股未經
痛加殲戮因該逆聞官兵聲勢較大先已開風奔
逸竄至川境賊匪當此窮蹙之際往往從無兵地
方逃匿以冀苟延殘喘豈有轉向大兵雲集處所
自取滅亡之理現在軍營兵丁內有老病殘廢者
業已裁撤遣回其精壯勁旅俱歸各路帶兵統領
大員兵力日見其合而賊數無多零星奔竄日見

分散官兵勢不能分百數十隊剿此殘敗匪徒而賊蹤潛竄之處無論深林密箐並非化外皆係各州縣所轄該地方官平日於大股賊匪及一二百人成股之賊或因鄉勇無多難以剿殺至零星逸出之賊或數人或數十人藏匿境內此不過逋逃餘燼地方官自宜搜獲淨盡以絕根株卽如該州縣有尋常承緝之案尙不得置若罔聞推諉不辦

況此等賊夥人數無多豈可委之帶兵大員等全用兵力搜剿乎從前教匪滋事之始本應地方官自行查辦及簡派帶兵大員前往督剿伊等又以剿賊非其事責爲詞心存推卸並不幫同搜拏五年來賊匪輾轉奔竄未能及早肅清職此之故此時大功將屆垂成賊匪中惟李彬湯劉等股人數稍多其餘不過數百人或百餘人較前大爲減少

額勒登保德楞泰勒保等分投追剿自無難一律
殄平尅期告竣其星散餘匪既非自行投首卽係
怙惡不悛著該督撫等督飭各州縣多派鄉勇嚴
密查拏一經拏獲卽送交軍營辦理如此則官兵
不能分至之處有地方官督同鄉勇悉力搜捕該
匪等分路逃竄不難淨除餘黨藏功更速該州縣
等如能認真盤緝多名該督撫卽行據實奏聞候

朕量加獎勵若一味玩延任賊潛匿本境並不實
心搜查亦當指名叅奏毋稍瞻徇此事朕曾屢經
降旨該地方官總未實力遵行經此次飭諭之後
若仍前因循怠忽必將各該督撫一併嚴懲凜之
慎之至各路帶兵大員奉命剿賊當此大功將就
尤應倍加奮勉將成股賊匪上緊殄除不得諉之
地方官搜查以致餘孽未淨日久復萌致干重戾

臣等謹案邪匪之興由於地方莠民煽惑不靖長民者本有詰奸除暴之責特既經

命將出師地方官吏或意存推卸遂以剿捕之事視有專司觀望因循在所不免蒙

皇上訓誡再三漸知振拔凡皆禦搜捕出力之文員無不仰邀

恩獎

賞擢優加是以元兇巨憝疊奏俘擒茲以賊勢日就
敗殘游魂竄匿復

申諭督撫飭知州縣協力查拏並明示勸懲以期速
靖餘氛肅清邊界又仍

勅令帶兵大員不得諉藉懈弛恭釋

綸言大公至正非特在事臣工咸思奮勉卽蠢爾頑
愚亦有讐服於無形改悔於不自覺者矣

十四日戊子德楞泰奏言竊龍紹周等賊匪被官

兵疊次擒斬只剩三百餘人竄向巫山巴東交

界之冉村板倉坪一帶臣仍卽分投兜剿連日

陰雨泥濘不予以暇復添派叅將馬元等督同

千總史定川高星文馮正朝藍翎鄉勇首謝金

章帶領奮勇兵勇緊躡賊蹤賽冲阿溫春馬瑜

蒲尙佐等帶領馬步官兵由觀音崖取道小坪

九灣子抄截賊匪知有官兵兜剿連日冒雨又
走烏龍崖打鼓嶺向長溝石磨竄逃該處山徑
更爲仄隘有路可通長峯由長峯東可出磊子
西可至相思嶺或走孟家河或竄烏雲頂原路
均未可定總以截任東西爲要賽沖阿亦乘雨
繞出巴東屬之陳家坡馳往磊子一路截剿二
十一日至陳家坡賊匪又由磊子折回馬元史

定川等迎頭截住賊匪亂奔我兵直追至三十餘里之大陽坡沿途殺賊四五十名生擒徐白耀等二十七名餘匪向烏雲頂相思嶺中間之黃溪一路竄去馬元史定川等尾追之兵亦相距不遠賽冲阿等探知賊由黃溪走獨木坪元嶺大花崖一帶無非老山箐林詢得土人嚮導由下貴坪抄至馬湖巖兜剿已截住賊匪去路

該逆知官兵前抄後追又不敢折回遂不由山
徑躡荒而逃賽冲阿等隨又繞出高橋河泉保
坪截剿

臣

恐賊翻過陰條嶺卽派令侍衛達勒

精阿遊擊張應貴余陞等帶馬步兵二百名星

馳赴彼會同該卡員弁堵剿

臣

卽於七陽壩一

路扼據策應並可兼顧古牛窩要路嗣據各路
哨探先後拏獲追散賊匪並陰條嶺防卡都司

馬相搜獲賊匪向國仁李世富等二十一名到
營一概訊明正法旋又據馬元史定川等差稟
賊匪竄至陰峪河又與房竹竄來另股賊匪五
六百人合夥走七十里荒老山出冉溪有向房
縣九道梁之勢馬元等仍卽尾追

臣

以賊匪既

出老山向九道梁距七陽壩八石坪陰條嶺較
遠卽督同色爾滾侍衛蘇爾伸協領明德副總

管珠山副將達自祥叅將李東山等由通城磨
刀溪取道梨子坪羅漢洞一帶探蹤兜剿時賽
冲阿等由高橋河追至泉保坪探知賊匪由冉
溪向九道梁遂連夜向茅坪抄出蓮湖坪前往
界嶺截擊使賊不敢東走二十六日夜賊紮天
池菴是日馬元史定川等紮沈家寨離天池菴
只隔一小山梁馬元等於三更帶領兵勇前往

四更後抵天池菴地方只有破茅房數間兵勇突入剿殺屋內賊匪三四十名生擒廖其元等十七名只逃去五六人餘俱殺斃時火光亦起餘賊散屯民房俱被知覺連夜冒雨卽向野豬溝遁逃次早派兵勇將獲犯並首級就近送交賽冲阿等訊解來營仍卽尾跟由公子河前進訊明獲犯均係老賊當卽一概正法追賊探知

九道梁有兵又向竹山縣之馬鬃嶺東去賽沖
阿等又酌挑奮勇官兵二百名令守備熊敏謙
等帶領步行前往協同跟剿馬步大隊亦卽取
道而進二十七日趕抵風竹槽又與賊屯之雲
霧溪只隔二十餘里賽沖阿等令叅將馬濟遊
擊李應元沈洪等帶奮勇官兵三百名會同馬
元等於二更後一同前進賽沖阿溫春馬瑜蒲

尙佐督同侍衛富僧德總管富登阿協領穆騰
額副將李應貴叅將馬應國等帶領馬步官兵
繼進四更後馬元等抵雲霧溪場外千總史定
川高星文藍翎鄉勇首謝金章帶領兵勇於黑
暗中首先直撲賊營賊匪於睡夢中驚起潰亂
我兵刀矛齊舉砍斃多人詎前屯賊衆得信卽
放火燒房旋於火光中見有持矛前來捨死抗拒

者賽冲阿等見場上火起卽帶馬步大隊繼進
賊見馬兵又到始各敗散向魚皮扒老林竄逃
天明查點殺死賊匪二百一十三名生擒楊學
通等四十七名惟千總高星文胸受石傷並藍
翎鄉勇首謝金章左手左腿均受矛傷尙不甚
重兵勇因暗中鏖戰內有帶傷陣亡者二十二
名附近恐有藏匿賊匪一面派兵搜山當訊獲

犯楊學通供稱係藍號張元帥管戰手張元帥
是李彬徒弟名張添貴手下原只有三百餘人
前又與老藍號曰號打散之三百餘人合夥因
在陝西湖北被官兵殺散走到陰峪河遇龍元
帥合夥昨夜到此龍元帥紮在前面壩口林內
我們住在場上不想官兵半夜殺來致破傘獲
等供隨將各首級令其識認指出偽元帥張添

貴探馬頭王斌並龍紹周營僞先鋒李盈首級
隨又搜山拏獲張發禮等二十一名訊據供稱
龍逆每日自帶矛手二十餘人夜間不在營裡
總傍老山林邊另紮聽見官兵殺到先已逃走
營裏止剩二百多人等語該犯等非係老教卽
係矛手全行正法隨探該逆由龍洞花巖遁逃
賽冲阿等卽帶兵緊追至散水河前敵兵勇趕

上賊尾又殺賊十餘名生擒蕭大魁等二十四
名一并正法又恐尙有渙散賊匪卽傳令該處
洞寨百姓遍行搜拏仍卽跟蹤前追二十八日
官兵已至竹谿大石巖該處左通葛藤口右通
長嶺岡所幸日來業已晴霽山內路逕稍寬馬
力尙可施展臣於三十日至竹谿屬之茅古坪
已顧及東北前進惟楚界山內藏匿零星散賊

亦併合龍逆股內除連次斬擒外現剩四五百
人一得地勢即可立時掃淨祇緣龍逆狡猾異
常賊數愈少狂奔愈速而又路逕紛歧淫雨連
綿以致尙未竣事頃接七十五來咨內稱所追
苟逆分股之賊至大寧山內又與苟文明辛聰
湯思蛟劉潮選等併合由界嶺竄過陝境應否
帶兵過陝追剿咨商到臣查陝境漢江南北業

已肅清額勒登保督率札克塔爾楊遇春等現
在西鄉通江太平交界一帶剿辦總兵穆克登
布追剿青號餘匪已由開縣至東鄉屬之渡口
崖總兵永明帶同蕭福祿之兵又在川之通南
與勒保協剿平利一帶路逕叢雜只有喜明柯
潘在緞子坪扼截恐該逆竄近江邊不可不慮
且川東現無成股賊匪斷無坐待剿辦之理因

卽令該提督帶兵過陝緊跟追剿或與喜明等
夾攻或就地掃除萬不可令其滋蔓至現在賊
股內除竄陝之苟辛湯劉等合夥一股約共二
千餘人有七十五跟剿楚省亦只有戴崔胡等
一股千餘人有總兵孫清元剿辦其餘敗殘各
股均係二三百至七八百人不等而龍逆現又
併合藍白兩號餘孽數百更可聚而殲除

臣現

在兜剿龍逆仍當隨地分兵將楚省邊界散藏
零賊搜捕淨盡再看何處賊多緊要卽起機前
往剿辦奏入

上命軍機大臣傳諭德楞泰曰朕盼望德楞泰剿淨
龍逆股匪捷音日深殷切本日報到雖有斬獲并
殲除僞先鋒僞元帥等而龍逆尙未就擒所辦殊
屬遲緩試思每隔半月到報一次仍未將賊匪剿

淨一股祇須數報卽屆冬令轉瞬又值明春成何
事體乎德楞泰屢次擒獲賊首厥功甚懋朕心刻
不能忘大功告竣必當統計歷次功績迺格酬庸
倘德楞泰心存觀望竟遲至明春則是德楞泰有
負朕恩矣務當力加振作鼓勵將弁將龍逆殘匪
尅日殲盡並將川陝楚邊界竄匪與額勒登保等
於九月內一律肅清喜音一至立沛殊恩若稍有

遲延或竟撲至明春則德楞泰前功盡棄矣兇之
望之至七十五所追苟逆分股之賊至大寧山內
又與苟辛湯劉等逆併合竄過陝省德楞泰令該
提督帶兵過陝緊跟追剿所辦甚是務當催令七
十五上緊剿辦與喜明等夾攻卽在該處將此股
併合之賊一鼓殲除不可令其他竄至現在各股
賊匪實數尙有若干德楞泰不但將伊剿辦之賊

查明實數具奏卽額勒登保勒保等所辦賊匪亦
著統計賊數開單奏聞並將各股殘匪所竄是何
州縣地方一併查奏

同日吳熊光全保長齡奏言竊

臣

全保長齡與

孫清元等分路截剿川陝竄匪先據探報辛逆

等股內有曾王等姓頭目糾結窺伺其大隊從

三層河東竄又分出一股北走

臣

等飛飭總兵

德昌從北面王家山一帶兜截該鎮知賊匪在
興隆觀屯紮帶領遊擊胥泗起等率兵圍剿殺
賊五十餘人復追殺二十餘里旁林內另有賊
衝下官兵奮力抄殺將林內六七十人全行殲
斃外委米正強劉雲泰各斃騎馬賊一名生擒
嚴貴等七十三名訊據嚴貴等供稱曾芝秀同
王元帥辛元帥總兵王冠軍先鋒王剛會合入

楚此股係王剛帶領要分路牽住官兵以便乘
勢竄入楚境王剛現已被殺等語令認屍軀屬
實時賊已向前三壩一路夥合沿邊零匪在老
林內伏匿臣長齡當派遊擊王占鰲等挑帶兵
勇從劉家坪老林轟擊親率侍衛呢瑪善副將
海麟等帶領馬步兵勇由泉溪唐家坪緊進連
日搜殺三四十名至六七十名不等該匪分走

亢喜坡光頂山向陝省鎮平地方前竄沿路跳
崖落澗死者甚多共計搜獲活賊一百三十四
名內有崔宗和之姪崔連兒僞總兵王冠軍餘
皆正賊

臣

長齡當查竹谿西南邊境業已廓清

房縣南界尙有零股防其下竄親率官兵由竹
谿竹山抄至房縣攔截並令德昌折回王家山
爲犄角之勢

臣

吳熊光以曾逆等東突恐致關

近腹地疊飭孫清元等顧住東北隨兜隨進該鎮繞道攔剿至興山邊界之豐邑坪與總管托爾托保副將李天林等三路緊剿賊衆分投抗拒尙形兇悍李天林與協領武成身先擊射衆兵一擁並上當場及追殺共斃賊三百餘名生擒男婦九十四名口生擒賊口趙金潮一名訊係白營掌櫃又劉大順一犯係僞先鋒餘皆精

壯矛手隨乘勝追至栗園坵該匪輒敢埋伏山
坵官兵從山頂分路壓下斃賊五十餘名生擒
嚴友志等三十七名匪衆狂窘遂向興巴一路
邊界潛遁有折回川境之勢臣全保一路帶領
馬步官兵趕抵竹山之門樓溝知白河竄來賊
匪日向東趨該處東係陡河通均穀大道最關
緊要當令在黃龍灘防守之遊擊德祿分撥官

兵在皮湖灘守禦官兵抄至家竹園規池一帶
斃賊三十餘人復趕抵磚峪河兜住賊蹤當派
侍衛塔津保由左路叅將德興承祿由右路

臣

全保督率叅將孫應奉姚國棟知縣徐如灝等
由中路三面圍剿奮力截殺除殲斃外生擒陳
幗章李旺吳嘉周等三名該匪被剿後分爲兩
股一股向羅家廟折走派令原任總兵署游擊

李鈇守備鄧興相等進剿斃賊二十餘人生擒
王得貴等七名賊股隨向陝省白河野人壩竄
去其一股向鮑家店北突

臣

全保卽由侍衛塔

津保等由齊家坪前進沿途俱有斬獲該匪遂

由黃龍洞向陝境白河之漫營竄逸又由東西

壩折回文玉河邊界

臣

全保卽由吉陽關督兵

抄進探知賊人屯聚黨家溝當派官兵三面埋

伏連夜進剿五更時行至該處賊俱散住民人
空屋草棚兵勇拋擲火彈圍殺登時草棚延燒
該匪冒死衝出伏兵四起鎗箭齊發斃賊甚多
賊匪四散兵勇跟追四十餘里餘匪亡命奔逃
向白河之子母樹避遁去點查屋內燒死屍軀
六十三具擒獲活賊吳添萬陳貴等六名又鄉
勇康茂才搜獲劉女子一口提訊前後招賊陳

惲章等歟供其股原係徐添德股內餘匪王山
陳大麻子熊翠三人王山已經逃往四川熊翠
陳大麻子因躲避官兵留後並訊據劉女子供
係達州人僞總兵劉添潮之女等語查熊陳二
逆本同王山一夥爲徐添德餘黨經此次分路
殲擒所剩無多業經分竄界外北路均已寧謐
惟房竹一帶深山老林內紛紛匿伏恐日久勾

結成衆必須搜捕淨盡以絕根株

臣

全保長齡

親率兵勇分投搜剿其曾芝秀一股有敗回川
境之勢但去楚界未遠猶防折竄現飭孫清元
等仍行探迎扼截至其餘邊外賊股龍逆餘匪
經德楞泰追擊入川之後實已十分狼狽惟該
匪捨命逃生近日總在川楚接壤山內旋轉奔
逸德楞泰督兵分路逼剿自可卽就掃除苟文

明及唐張等逆提臣七十五在大寧寶塔地方
剿敗後亦合夥竄及紅池壩勢將窺伺楚境經
七十五由竹谿邊界黃石坂一帶兜截該匪始
折回西遁又據探報陝省平利境內灌河白珠
峽大香河滑石溝等處有零匪數股該匪若向
東趨卽屬竹谿西南兩路邊境現飭總兵吉林
泰德昌分投探明堵截臣等現在督率鎮將分

帶兵勇堵剿兼施一遇邊外竄匪臨近卽探明
迎擊毋使闖入邊內又復多張告示廣布

皇仁俾各股窮蹙之匪知一經投出俱得邀

恩免死并曉諭各寨落幫同攔截如有能擒獻賊首
者遵

旨優加獎賞其格外出力者奏請酌量錄用仍嚴禁
兵勇寨民凡遇投出之人毋許剝取衣物擅自

殺戮致阻向化至各路擒得活賊除頭目先鋒
凌遲處死餘皆訊明立即正法每次打仗救出
良民多係附近一帶居住聽其自行歸業兵勇
間有傷亡另行查明咨部奏入

上命軍機大臣傳諭吳熊光全保長齡曰此次吳熊
光等探知辛逆曾王等股在房縣興山一帶邊界
分路逃竄卽督飭官兵三路截剿生擒首逆崔宗

和之姪崔連兒及僞總兵王冠軍共計殲擒燒斃
賊匪將及千名所辦尙好此時曾芝秀股匪有敗
竄入川之勢而辛王等逆又分竄陝省鎮平白河
一帶是楚境已無成股之賊其房竹等處零星藏
匿餘匪全保長齡等親率兵勇分投搜捕諒可速
就廓清但現在川陝兩省官兵追擊緊急兼之堡
寨嚴密無可擄掠該匪等或又思闖入楚境掠食

延喘亦不可不加意防範吳熊光等務當於各口
隘督率嚴防勿令竄匪一名闖入以便額勒登保
等在川陝邊界併力剿辦更爲得手且可收兩面
夾攻之效又摺內稱曉諭寨落幫同攔截一節所
辦甚是與朕昨降諭旨相合賊匪當此窮蹙之際
往往從無兵地方逃匿自應督飭各州縣鼓勵寨
落鄉勇協力搜拏務淨根株吳熊光等旣見及此

更當遵照昨旨妥協辦理以期迅速肅事